

Titsongahate Loko U Tshinyiwa

Davhida na Bati-xeba—Xiyenge 2

Swiletelo: Endla xitloveto lexi endhawini leyi nga riki na pongo. Loko u ri karhi u hlaya Matsalwa, tivone u hlalele swiendlakalo swa kona. Twana marito ya vanhu va kona. Titwe hi ndlela leyi swimunuhatwa swi titwaka ha yona. Endla rungula ra kona ri va ra xiviri emianakanyweni ya wena.

Swimunuhatwa-nkulu: Davhida na Natani

Nkatsakanyo: Davhida u rivaleriwe xidyoho lexikulu kambe a a fanele a langutana ni vuyelo bya xona.

1 VONA XIENDLAKALO XA KONA HI MAHLO YA MIANAKANYO. —HLAYA 2 SAMUWELE 12:1-24.

Hlamusela ndlela leyi u anakanyaka leswaku Natani a a ri ha yona. _____

Xana rito ra Natani a ri ri njhani loko a ri karhi a vulavula hi xifaniso xa wanuna wa xisiwana ni nyimpfu? _____

Xana rito ra Natani ri cince hi ndlela yihi loko a hlamusela xifaniso lexi eka tindzimana 7-9? _____

2 ANAKANYISISA SWINENE HI MHAKE LEYI.

Ha yini Natani a nga ha vaka a hete nkarhi a ri karhi a anakanyisisa hi ndlela leyi a nga ta vulavula na Davhida ha yona? _____

Xana u anakanya leswaku ha yini Natani a vulavule na Davhida hi ku tirhisa xifaniso lexi? _____

Xana Natani u swi kote njhani ku fikelela mbilu ya Davhida leswaku a vona leswi nga swinene naswona ha yini leswi swi tirhile ematshan'weni yo va a sindzisa Davhida ku tiphofula? _____

Swi nga tikomba onge Yehovha u hatlise a rivalela Davhida. (*Tihela u hlaya ndzimana 13.*) I yini leswi Yehovha a swi vonaka eka vanhu leswi hina hi nga kotiki ku swi vona? _____

Ha yini u anakanya leswaku vuyelo lebyi Davhida a a ta byi kuma a byi n'wi fanela? (*Tihela u hlaya tindzimana 10-12, 14.*)

3 TIRHISA LESWI U SWI DYONDZEKE.

Tsala leswi u swi dyondzeke malunghana ni . . .

Ku titsongahata. _____

Vuyelo bya xidyoho. _____

Tintswalo ta Yehovha. _____

4 TIVUTISE.

I yini lexi endleke leswaku ndzi nyikiwa ndzayo?

Xana ndzi nga antswisa yini eka ndlela leyi ndzi amukelaka ndzayo ha yona? _____

Ha yini ndzayo yi kombisa leswaku Yehovha wa ndzi rhandza? (LEXI NGA KU PFUNAKA KU KUMA NHLAMULO: Hlaya Vaheveru 12:5, 6.)

Emhakeni leyi, hi yihi dyondzo ya nkoka swinene leyi ndzi yi dyondzaka naswona ha yini? _____

Xiringanyeto: Anakanya hi loko mhaka leyi a yi lo hela hi ndlela yin'wana. Tsala leswi a swi ta va swi endlekile loko Davhida a a nga tisolanga eka xidyoho xakwe kutani a lava ku xupula Natani. Xana leswi a swi ta va swi yi khumbe njhani ndlela leyi Yehovha a a ta n'wi avanyisa ha yona Davhida?

